



UNIVERSITÄTS-
BIBLIOTHEK
PADERBORN

Universitätsbibliothek Paderborn

Medvlla Theologiæ Moralis

Busenbaum, Hermann

Monasterii Westphaliæ

Dub. II. Quæ sint suspensiones in particulari, & quis ab eis poßit
absolvere?

urn:nbn:de:hbz:466:1-40957

DUBIUM II.

Quae sunt suspensiones in particulari, & quis ab eis possit absolvere?

Resp. I. Suspensiones Juris communiores sunt sequentes.

I. Clerici ipso iure suspensi sunt. 1. Recipientes ordines sacros ab alieno, vel à proprio, in aliena dioecesi, vel sine ærate legitima, aut dimissoriis, aut titulo, vel extra tempora, aut non servatis interstitiis, vel per saltum, vel in censura, vel deniq; post matrimonium ratum: qui omnes suspensi sunt ab executione ordinum, nisi fecerint absque dolo: & si Ordine utantur, fiunt irregulares. 2. Excommunicans, suspendens, aut interdicens sine scriptura, & causæ expressione, est suspensus per mensem ab ingressu Ecclesiæ, nisi sit Praelatus regularis. 3. Clerici scienter eligentes Episcopum, vel Parochum indignum, suspenduntur à beneficiis bienio. 4. Ordinans & ordinatus simoniaçè, est suspensus ab ordinibus. 5. Parochi jungentes sponsos alterius Parochiæ sine licentia. 6. Gravantes alienis debitis Ecclesiæ sibi commissas. 7. Occupantes bona vel census Ecclesiæ, beneficii, vel alterius pii loci. 8. Sodomiam exercentes, simoniaci, provocantes ad duellum, vel acceptantes, raptore vel præbentes auxilium. 9. Disputantes in alterutram partem in coetu virorum ac mulierum, de immaculata Conceptione B. Virginis. 10. Visitantes, si accipiunt pecuniam vel munera:

qiu

qui si sint Episcopi, suspensi sunt ab ingressu Ecclesiæ, si inferiores Episcopo, ab officio & beneficio usque dum restituant duplum, 11. Judex Ecclesiasticus (non Episcopus) qui facit iniuriam contra justitiam, & conscientiam parti litiganti, v. Bon. d. 3. p. 5.

II. Religiosi. 1. Apostatae recipientes ordines in apostasia. 2. Admittentes ad professionem, ante annum probationis peractum. 3. Non utentes habitu, & vestitu, modo sibi præscripto. 4. Introducentes mulieres in Monasteria.

III. Episcopus, 1. Ordinans non subditum, suspensus est à Pontificalibus per annum: ordinans verò invitum suspensus est per annum à celebrazione. 2. Admittens resignationes, contra formam præscriptam. 3. Intrans monasteria Monialium sine necessitate, v. Fill. t. 17. c. 5.

Resp. II. Præter has suspensiones aliæ sunt ab homine, quæ sint graves, requirunt culpam mortalem, v.g. ut quis suspendatur ab omnibus actibus sui officii, vel fructibus unius anni. Potest ramen aliquis ob peccatum veniale priuari uno actu, v.g. eligendi.

Resp. III. Habens Episcopalem auctoritatem potest absolvere à suspensione non reservata; & communiter religiosi ex privilegiis possunt absolvere ab omni suspensiōne in foro conscientiæ: & Episcopus potest absolvere ab omni suspensione juris, si Sedi Apostolicæ specialiter reservata non sit, Lay. c. 4. n. 2. ex Nav. Suar. &c. Imo etiam ab hac, si proveniat ex delicto occulto, & non deducto ad forum contentiosum, Bon. d. 3. p. ult. ex Trident. sess. 24. c. 6.

DUBI-